

اتوار یکم ستمبر، 2024

مضمون - مسیح یسوع

سنہری متن: یوحنا 10 باب 10 آیت

”میں ایس لئی آیا ہوں کہ میں اپنی جان سے کثرت نال پان۔“ مسیح یسوع

جوابی پڑھائی: ملاکی 3 باب 1 توں 6 آیتاں

ملاکی 4 باب 2 آیت

- 1- دیکھو میں اپنے رسول نوں گھلاں گاتے اوہ میرے اگے راہ ٹھیک کرے گاتے خداوند جیدے تسی طالب او نگہبان اپنی ہیگل وچ آمو جو دہو وے گا۔ ہاں عہد دار سول جیدی تسی تاہنگ لائی سی آوے گا فوجاں دارب آکھد اے۔
- 2- پراوہدے آؤن دے دن دی کیدے وچ تاب اے؟ تے جداوہدا ظہور ہووے گاتے کون کھڑا رہ سکے گا؟ کیوں جے اوہ سنیا رے دی اگ تے دھوبی دے صابن وانگراے۔
- 3- تے اوہ چاندی نوں تان تے سونے نوں پاک کرن والے وانگر بیٹھے گاتے بنی لاوی نوں سونے تے چاندی وانگر پاک کرے گا تاں جو اوہ راستبازی نال خداوند دے سامنے ہدیے چڑھان۔
- 4- تندیہودا تے یروشلیم داہدیہ خداوند نوں پسند آوے گا جیویں پرانے دناں وچ تے پچھلے زمانے وچ سی۔

- 5- تے میں عدالت لئی تہاڈے نیسٹے آواں گا۔
- 6- کیوں جے میں خداوند نہ بدلن والا واں ایس لئی اے بنی یعقوب تسی نیست نہ ہوو گے۔
- 2- پر تہاڈے اُتے جیہڑے میرے نام دی وڈیائی کردے اوسیحیائی داسورج چمکے گاتے اوہدیاں کرناں وچ شفا ہووے گی۔

درسی وعظ

بائبل وچوں

1- استثناء 18، باب 15، 18 آیتاں

15- خداوند تیرا رب تیرے لئی تیرے وچوں ای یعنی تیرے بھرانواں وچوں میرے وانگراک نبی پیدا کرے گا۔
تسی اوہدی سُنیو۔

18- میں اوہناں لئی اوہناں دے بھرانواں وچوں ای تیرے وانگراک نبی پیدا کرناں گاتے اپنا کلام اوہدے مونہہ
وچ پانواں گاتے جو کجھ میں اوہنوں حکم دیواں گا اوہناں نوں آکھے گا۔

2- زکریاہ 9، باب 9 (توں دو جی) آیت

9- اے صیون دیے دھیئے توں بوہت شادمان ہو۔ اے یروشلیم دیے دھیئے توں واوالکار کیوں جے ویکھ تیر اباد شاہ تیرے کول آؤندا اے۔ اوہ سچا اے تے مکتی اوہدے ہتھ وچ اے۔

3- یوحنا 3 باب 16، 17 آیات

16- کیوں جے رب نے جگ نال اجیہا پیار رکھیا پئی اوہنے اپنا کلا کلا پتر دے چھڈیا تاں جو جیہڑا وی اوہدے اُتے ایمان لیاوے مرے نہ بلکہ ہمیشہ دی حیاتی پاوے۔

17- کیوں جے رب نے پتر نوں جگ وچ ایس لئی نئیں گھلایا پئی جگ اُتے سزا دا حکم دیوے بلکہ ایس لئی پئی جگ اوہدے راہیں مکتی پاوے۔

4- لوقا 4 باب 14، 16، 21 آیات

14- فیر یسوع روح دی قوت نال بھریا ہو گیا گلیل نوں مڑیا تے سارے پاسے اوہدی شہرت پھیل گئی۔

16- تے اوہ ناصر ت وچ آیا جتھے اوہنے پرورش پائی سی تے اپنے دستور دے مطابق سبت دے دن عبادت خانے وچ گیا تے پڑھن لئی کھلوتا۔

17- تے بسعیہ نبی دی کتاب اوہنوں دتی گئی تے کتاب کھول کے اوہنے اوہ مقام کڈھیا جتھے لکھیا سی پئی۔

18- خداوند داروح میرے اُتے اے۔ ایس لئی پئی اوہنے مینوں غریباں نوں خوشخبری دین لئی مسیح کیتا۔ اوہنے مینوں گھلایا اے پئی قیدیاں نوں رہائی تے آنھیاں نوں بینائی پان دی خبر سناواں۔ کچلے ہوئیاں نوں آزاد کراں۔

19- تے خداوند دے سال مقبول دی منادی کراں۔

20- فیر اوہ کتاب بند کر کے تے خادم نوں واپس دے کے بیٹھ گیا تے جسے عبادتخانے وچ سی ساریاں دیاں اکھیاں اوہدے اُتے لگیاں ہوئیاں سی۔

21- اوہ اوہناں نوں آکھن لگیا پئی آج ایہہ نوشتہ تہاڈے سامنے پورا ہو گیا۔

5- لوقا 7 باب 11 توں 16 آیتاں

11- تھوڑے چر بعد اناج ہوئیا پئی اوہ نائین ناں دے اک شہر نوں گیا تے اوہدے چیلے تے بوہت سارے لوکی اوہدے نال سی۔

12- جدوں اوہ شہر دے پھاٹک دے کول اپڑیا تے ویکھواک مردے نوں باہر لے جا رہے سی۔ اوہ اپنی ماں دا اکلوتا پتر سی تے اوہ بیوہ سی تے شہر دے بوہت سارے لوکی اوہدے نال سی۔

13- اوہنوں ویکھ کے خداوند نوں ترس آیا تے اوہنوں آکھیا نہ رو۔

14- فیر اوہنے کول آکے جنازے نوں چھوئیا تے چکن والے کھلو گئے تے اوہنے آکھیا اے جو ان! میں تینوں آکھدا واں اُٹھ۔

15- اوہ مردہ اُٹھ گیا تے بولن لگیا تے اوہنے اوہنوں اوہدی ماں دے حوالے کر دتا۔

16- تے ساریاں اُتے دہشت چھا گئی تے رب دی وڈیائی کر کے آکھن لگے پئی اک وڈھانہ ساڈے وچ آیا تے رب نے اپنی امت ول دھیان کیتا اے۔

6- مرقس 3 باب 1 توں 6 آیتاں

- 1- تے اوہ عباد خانے وچ فیروڑھیاتے اوتھے اک بندہ سی جیدا ہتھ سکلیا ہو نیاسی۔
- 2- تے اوہ اوہدی تاہنگ وچ رہے پئی جے اوہ سبت دے دن اوہنوں ٹھیک کرے تے اسی اوہدے اُتے الزام لائیے۔
- 3- اوہنے اوس بندے نوں جیدا ہتھ سکلیا ہو نیاسی آکھیا وچالے کھڑا ہو۔
- 4- تے اوہناں نوں آکھیا سبت دے دن نیکی کرنا جائز اے یا بدی کرنا؟ جان بچانا یا قتل کرنا؟ اوہ چپ رہے۔
- 5- اوہنے اوہناں دی سخت دلی دے پاروں ڈکھی ہو کے چاراں پاسے اوہناں ول غصے نال نظر کر کے اوس بندے نوں آکھیا اپنا ہتھ ودھا۔ اوہنے ودھایا تے اوہدا ہتھ ٹھیک ہو گیا۔
- 6- فیرو فریسی چھیتی نال باہر جا کے ہیرودیاں دے نال اوہدے خلاف صلاح کرن لگے پئی اوہنوں کیوں ماریے۔

7- یوحنا 5 باب 17، 30، 43، توں 46 آیتاں

- 17- پریسوع نے اوہناں نوں آکھیا پئی میرا پیو ہن تیکر کم کردا اے تے میں وی کرداواں۔
- 30- میں اپنے کولوں کجھ نہیں کر سکدا۔ جیویں سن داواں عدالت کرداواں تے میری عدالت راست اے کیوں جے میں اپنی مرضی نہیں بلکہ اپنے کھلن والے دی مرضی چاؤنداواں۔
- 43- میں اپنے باپ دے نال توں آیاواں تے تسی مینوں نہیں من دے۔ جے کوئی ہو اپنے اسی نال توں آوے تے اوہنوں تسی من لووگے۔
- 44- تسی جیہڑی اک دو جے توں عزت چاہندے اوتے اوہ عزت جیہڑی خدائے واحد ولوں ہندی اے اوہ نہیں چاہندے، ایمان کیوں لیا سکدے او؟
- 45- ایہہ نہ سمجھو پئی میں باپ اگے تہاڈی شکایت کراں گا۔ تہاڈی شکایت کرن والا تے ہے اے یعنی موسیٰ جیدے اُتے تسی آس لاکے بیٹھے او۔

46- کیوں ہے جسے تسی موسیٰ دایقین کردے تے میرا وی یقین کردے۔ ایس لئی پی اوہنے میرے حق وچ ای لکھیا اے۔

8- یوحنا 6 باب 35، 37، 40 (توں: آیتاں)

35- یسوع نے اوہناں نوں آکھیا حیاتی دی روٹی میں واں۔ جیہڑا میرے کول آوے اوہ بالکل پکھانہ ہووے گا تے جیہڑا میرے اُتے ایمان لیاوے اوہ کدی پیاسا نہ ہووے گا۔

37- جو کجھ پیو مینوں دیندا اے میرے کول آجاوے گا تے جیہڑا کوئی میرے کول آوے گا اوہنوں میں کڈھ نہ دیواں گا۔

38- کیوں ہے میں آسمان توں ایس لئی ننیں اتریا پی اپنی مرضی دے مطابق کم کراں بلکہ ایس لئی پی اپنے گھلن والے دی مرضی دے مطابق کم کراں۔

39- تے مینوں گھلن والے دی مرضی ایہہ اے پی جو کجھ اوہنے مینوں دتا اے میں اوہدے وچوں کجھ نہ گوالواں بلکہ اوہنوں اخیر دی دن فیر جیوندہ کراں۔

40- کیوں ہے میرے پیو دی مرضی ایہہ اے پی جیہڑا کوئی پترنوں ویکھے تے اوہدے اُتے ایمان لیائے ہمیشہ دی حیاتی پاوے۔

9- اعمال 3 باب 19 (توں دو جی)، 20، 22، 26 (توں تہی) آیتاں

19- ایس لئی توبہ کرو تے رجوع لیاؤ۔

20- تے اوہ اوس مسیح نون جیہڑا تہاڈے لئی مقرر ہوئیا اے یعنی یسوع نون گھلے گا۔

22- ایس لئی موسیٰ نے آکھیا پئی خداوند رب تہاڈے بھرانواں وچوں تہاڈے لئی میرے وانگراک نبی پیدا کرے گا۔ جو کجھ اوہ تہانوں آکھے اوہدی سنیو۔

26- رب نے اپنے خادم نون چک کے پہلے تہاڈے کول گھلیاتاں جو تہاڈے وچوں ہرکسے نون برکت دیو وے۔

سائنس تے صحت

1- 131:26-13

یسوع دے مشن نے پیشین گوئی دی تصدیق کیتی تے پرانے زمانے دے نام نہاد معجزے دی وضاحت کیتی جداں پئی الہی قوت دے قدرتی اظہار سی، اوہ اظہار جنہاں نون سمجھیا نہیں گیا سی۔ یسوع دے کماں نے اوہدے مسیحائی دے دعوے نون قائم کیتا۔ یوحنا دے ایس سوال دے جواب وچ پئی، ”آؤن والا توں ای ایں“، اپنے نظریے دا حوالہ دین دی بجائے اپنے کماں دا ذکر کر دیاں ہوئے، ایس یقین نال پئی ایس سوال دا پورا جواب شفا دین دی الہی طاقت دا ایہہ دکھاو دیو وے گا، یسوع نے ہاں وچ جواب دتا۔ ایس لئی اوہدا جواب دی: ”جو کجھ تسی ویکھدے تے سن دے او جا کے یوحنا نون دس دیو وے۔ پئی انھے ویکھدے تے لنگڑے ٹردے پھر دے نیں۔ کوڑھی پاک صاف کیتے جان دے تے بولے سن دے نیں تے مردے جیوندے کیتے جان دے نیں تے غریباں نون خوشخبری سنائی جان دی اے۔ دھن اے اوہ جیہڑا میرے پاروں ٹھوکر نہ کھاو وے۔“ دو بے لفظاں وچ، اوہنے اپنی برکت کسے جیسے بندے نون دتی اے جنہوں ایس گل دا انکار نہیں کرنا چاہیدا پئی جیسے اثر، الہی سیان ولوں آؤندیاں ہوئے، رب دی یعنی اوس الہی اصول دی واحدانیت نون ثابت کر دے نیں جیہڑا ساری ہم آہنگی نون ظاہر کر دالے۔

2- 31-28:109

یسوع نے اک واری اپنیاں تعلیماں دے بارے آکھیا: ”میری تعلیم میری نہیں بلکہ میرے گھلن والے دی اے۔ جے کوئی اوہدی مرضی اُتے ٹرنا چاہو وے تے اوہ ایس تعلیم دے بارے جان جاوے گا پئی رب ولوں اے یا میں اپنے ولوں آکھداں۔“ (یوحنا باب 7، 16، 17 آیتاں)

3- 31-24:147

ساڈے مالک نے بیمار نوں شفا دتی، مسیحی شفا دی مشق کیتی، تے اپنے طالب علماں نوں ایہدے الہی اصول دیاں عمو میاں سکھائیاں؛ پر اوہنے شفا دے ایس اصول نوں ظاہر کرن تے بیماری توں بچے رہن لئی کوئی حتمی اصول پیش نہیں کیتا۔ کر سچن سائنس وچ ایہہ اصول دریافت کرن لئی رکھیا گیا اے۔ اک پاک محبت نیکی دی شکل اپنا لیندی اے، پر کلی سائنس ای الہی اصول دی نیکی نوں سامنے لیاؤندی تے ایہدے قانوناں نوں ظاہر کردی اے۔

4- 32-28، 18-1:26

جدوں اسی یسوع دی وڈیائی کردے آں، تے جو کجھ اوہنے انسان لئی کیتا اے اوہدے پاروں ساڈا دل شکر نال بھر جاندا اے، جلال دے تخت اُتے اوہدے شفیق رستے اُتے گلے پیر رکھ دیاں ہونیاں، ساڈے لئی بیان نہ کیتی جاوے والی تکلیف وچ راہ ہموار کردیاں ہونیاں، یسوع ساڈے لئی صرف اک انفرادی تجربہ محفوظ نہیں رکھدا، جے اسی وفاداری

دے نال اوہدے حکماں مگر ٹردے آں، تے سارے غمگین جدوجہد داپیالہ لیندے آں تاں جوں اوہدے نال اپنی محبت دے اظہار دے تناسب وچ پین، جدوں تیکر پئی سارے الہی محبت دے پاروں مکتی نہ پالین۔

مسیح روح سی جنہوں یسوع نے اپنے بیاناں وچ تقویت دتی: ”راہ، سچائی تے حیاتی میں واں“؛ میں تے میرا پیواک واں۔ ”ایہہ مسیح، یا انسان یسوع دی الوہیت اوہدی فطرت، خدائی سی جسے اوہنوں متحرک رکھیا۔ الہی سچائی، حیاتی تے پیار نے یسوع نوں پاپ، بیماری تے موت اُتے اختیار دتا۔ اوہدا مقصد اسمانی ہستی دی سائنس نوں ظاہر کرنا سی تاں جو ایہنوں ثابت کرے جو رب اے تے جو اوہ انسان لئی کردا اے۔

ساڈے مالک نے بس نظریے، عقیدے یا ایمان دی تعلیم نہیں دتی۔ ایہہ الہی اصول دی پوری ہستی سی جیدی اوہنے تعلیم دتی تے مشق وی کیتی۔ مسیحیت لئی اوہدا ثبوت مذہب یا عبادت دا کوئی نظام یا شکل نہیں سی، بلکہ ایہہ کر سچن سائنس اے جیہڑی حیاتی تے پیار دی ہم آہنگی اُتے عمل کردی اے۔

5- 7-25:40

ساڈا اسمانی پیو، الہی محبت، ایہہ مانگ رکھدا اے پئی ساہنوں ساڈے مالک تے اوہدے چیلیاں دے نمونے مگر ٹرناں چاہیدا اے تے بس اوہدی شخصیت دی عبادت نہیں کرنی چاہیدی۔ ایہہ گل افسوس ناک اے پئی الہی خدمت دا جملہ عام طور تے روزانہ دے کماں دی بجائے عوامی عبادت دے معنیاں دے نال آیا اے۔

مسیحیت دی فطرت امن پسند تے برکت والی اے، پر بادشاہی وچ وڑھن لئی، آس دا لنگر اوس شکنینہ دے اندر مادے دے پردے توں اگے نٹننا ضروری اے جیدے وچوں یسوع ساڈے توں پہلاں لنگ چکیا اے، تے مادے توں اگے

دی ایہہ ترقی راستباز دیاں خوشیاں تے فتح مندی تے ایہدے نال نال اوہدیاں تکلیفاں تے دکھاں دے نال آؤندی اے۔ ساڈے مالک وانگر ساہنوں وی مادی فہم توں ہستی دے روحانی فہم ول رخصت ہونا چاہیدا اے۔

6- 19:256 (کون)۔ 23

اوہ کون اے جیہڑا ساڈی تابعداری دی مانگ کردا اے؟ اوہ جیہڑا، کلام دی بولی وچ، ”اسمانی فوج تے دھرتی اُتے رہن والیاں دے نال جو کجھ چاہندا اے کردا اے تے کوئی نہیں اے جیہڑا اوہد اہتھ روک سکے یا اوہنوں کجھ پئی توں کیہ کردا ایں؟“

7- 15-12:184

انسان لئی سچائی، حیاتی تے پیارا ای کلیاں جائز تے ہمیشہ دیاں شرطیں نیں تے ایہہ الہی قانوناں دی فرمانبرداری اُتے عمل کرواؤندیاں ہوئے، روحانی شریعت دین والیاں نیں۔

8- 25-22، 17-16:37

یسوع دا اقرار کرن والے اوہدے پیروکار اوہدیاں راہواں مگر ٹرنا تے اوہدے وڈھے کماں دی نقل کرنا کدوں سکھن گے؟۔۔۔ ایہہ ممکن اے، ہاں اے ہر بچے، مرد تے عورت دی ذمہ داری تے حق اے پئی اوہ حیاتی تے سچائی، صحت تے پاکیزگی دے اظہار دے پاروں مالک دے نمونے دی کسے حد تک پیروی کرن۔

9- 13-7:337

اصلی خوشی نہیں انسان نوں اپنے اصول، الہی محبت دے نال ہم آہنگ ہونا چاہیدا اے؛ پتر نوں پیو دے نال، مسیح وچ مطابقت دے نال اکٹھیاں ہونا چاہیدا اے۔ الہی سائنس دے مطابق انسان دا درجہ اونچ دا ای کامل اے جیہو جی اوہ سیان اے جیہڑی اوہنوں بناؤندی اے۔ ہستی دی اصلیت انسان نوں ہم آہنگ تے لافانی بناؤندی اے، جد کے غلطی فانی تے بے ہنگم اے۔

10- 3-30:242

الہی سائنس دے راہنمائی دین والے اشارے اوہ راہ وکھاؤندے نیں جیدے اُتے ساڈا مالک ٹریا تے مسیحیاں توں بس اقرار نامے دی بجائے اوہ س ثبوت دی مانگ کردے نیں جیہڑا اوہنے اوہناں نوں دتا اے۔ اسی جگ توں روحانی لاعلمی کھا سکدے آں، پر اسی لاعلمی تے ریاکاری دے راہیں سائنس تے روحانی بھلیائی نوں ظاہر کرن واکدی کامیاب نہیں ہو سکدے۔

11- 13-9:243

پر ”اوہ ای سیان۔۔۔ جیہڑی مسیح یسوع دی وی اے“ سائنس دے خط دے نال ہونی چاہیدی اے تاں جوں نبیاں تے رسولاں دے پرانے اظہاراں نوں دوہرائے تے تصدیق کرے۔

12- 14-9:242

اسمان اُتے جان دی کئی راہ ہم آہنگی اے تے مسیح الہی سائنس وچ ساہنوں ایہہ راہ دکھاؤند اے۔ ایہہ مطلب رُب، چنگیائی تے اوہدے پرچھانویں توں علاوہ کسے ہور حقیقت نوں نہ جاننا، حیاتی دے کسے ہور ضمیر نوں نہ جاننا اے، تے ناں دے ای درد تے خوشی والے احساساں توں اُچا ہونا ایں۔

13- 14:337 (کر سچن)۔9

کر سچن سائنس بیان کردی اے، جیویں پئی بائبل وی سکھاؤندی اے، پئی پاک دلاں دے علاوہ کوئی رُب نوں نہیں دیکھ سکدا۔ ایس پاکیزگی دے تناسب وچ انسان کامل اے، تے کاملت اسمانی ہستی دی ترتیب اے جیہڑی مسیح وچ حیاتی نوں ظاہر کردی اے، جیہڑا حیاتی دار و حانی نمونہ اے۔

روزانہ دے فرض

میری بیکرا ایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیارنوں ودھاوے، تے اوہناں اُتے حکومت کرے۔

چرچ مینوٹیل، آرٹیکل VIII، سیکشن 4۔

مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سبھی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوٹیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔